



TRANSKULTURNA PSIHOSOCIJALNA  
OBRAZOVNA FONDACIJA - TPO

**POLITIKA ZAŠTITE DJECE I MLADIH**

**Oktober 2016.**

## Uvod

TPO Fondacija u svom radu sa djecom i mladima se obavezuje da će poštovati temeljne vrijednosti i principe ljudskih prava i prava djece i da će poduzeti sve zakonske i druge mjere radi zaštite integriteta i digniteta djece i mladih s kojima radi i saraduje u okviru svojih redovnih djelatnosti.

TPO Fondacija se također obavezuje da će slijediti protokole i pravila ministarstava obrazovanja u kantonima s kojima ima potpisane sporazume o saradnji (do 2016 godine su to sporazumi sa Kantom Sarajevo, Kantom Tuzla, Hercegovačko-neretvanskim kantom i Zeničko-dobojskim kantom).

## I. Temeljne vrijednosti i principi u radu sa djecom i mladima

*TPO Fondacija se obavezuje da će uvijek voditi računa o sljedećem:*

- Da se zdravlje, sigurnost, dobrobit djece i interesi djece i mladih stavljaju na prvo mjesto;
- Da se njihov razvoj unaprijeđuje i čuva, kako bi dosegli svoj puni kapacitet;
- Da se djeca i mladi cijene, poštuju i razumiju u okviru njihove vlastite kulture, religije i etničke pripadnosti, i da se njihove potrebe utvrde i zadovolje kada je god to moguće;
- Da se pažljivo saslušaju potrebe mladih i djece i da se njihovi svjetonazori i razmišljanja uzmu u obzir, da se ohrabre i da im se pomogne da učestvuju u donošenju odluka koje ih se tiču.
- Da će spriječiti zloupotrebu djece u bilo kojim okolnostima
- Da će zaštititi djecu sa kojom i za koju radi.
- Da će zahtijevati od partnerskih organizacija da zadovolje minimalne standarde zaštite djece u svojim programima poštujući Konvenciju o pravima djeteta i domaće zakonodavstvo.
- Da će pratiti pozitivni zakonski propisi i mjere koje budu usklađivane sa međunarodno-pravnim noramam i standardima.

U cilju ostvarenja ovih vrijednosti tim TPO Fondacija ali i partnerske organizacije će u kontaktu sa djecom voditi računa o sljedećem:

- da se prema djeci uvijek odnose s poštovanjem i da ih priznaju kao pojedinke s vlastitim pravima i odgovornostima,
- da se u svom radu s djecom i mladima rukovode duhom saradnje i partnerstva zasnovanom na uzajamnom povjerenju i poštovanju;
- da uvažavaju stavove i mišljenja djece i mladih i da im pristupaju ozbiljno i s uvažavanjem;
- da u radu s njima jačaju njihove kapacitete i sposobnosti i razvijaju njihove potencijale;
- da sve što čine bude u najboljem interesu djece i mladih

- da obavezno uključe u partnerstvo i roditelje i staratelje ali i eksperte kako bi se osigurala zaštita djece.

## II. Pravila ponašanja

Svaki upolenik/ca i saradnik/ca koji rade sa djecom i mladima, važno je da:

- Prepoznaju situacije koje mogu predstavljati rizik i da njima se ponašaju u skladu sa vrijednosti i principima iz člana I.,
- Planiraju i organiziraju aktivnosti na mjestima na kojima će rizik biti sveden na minimum,
- Da vode računa da ne budu nasamo s djecom i mladima bez prisustva roditelja, staratelja, nastavnika ili nekog drugog zaduženog za njih;
- Da omogućće da se o bilo kojem problemu ili razlozima za zabrinutost otvoreno razgovara;
- Da problematične prakse i prakse koje mogu dovesti do problema javno osude i o njima razgovaraju javno,
- Da otvoreno razgovaraju sa djecom i mladima o njihovoj komunikaciji sa osobljem i saradnicima i podstaknu ih se da slobodno izraze svoju zabrinutost;
- Da rade na osnaživanju djecu i mladih tako što će razgovarati s njima o njihovim pravima, i koji su mehanizmi zaštite tih prava.
- Da se zajedno sa nastavnicima, pedagogima i roditeljima rade na tome da se prepoznaju djeca u riziku od nasilja i da se pomogne kako djeci koja su potencijalne žrtve nasilja, tako i djeci koja su počinitelji.

## 3. Striktne zabranjene radnje

Tim TPO Fondacije i saradnici/e ne smiju nikada:

- Fizički ne povrijede ili fizički zlostavljaju djecu i mlade;
- Psihički ne povređuju i marginaliziraju djecu i mlade
- Razvijaju zakonski i društveno neprihvatljiv fizički/seksualni kontakt sa djecom;
- Razvijaju zakonski i društveno neprihvatljiv takav odnos sa djecom, koji bi se na bilo koji način mogao smatrati iskorištavajući ili zlostavljajući;
- Djeluju na način koji može biti zlostavljajući ili dovesti dijete ili mladu osobu u rizik da bude zlostavljano;
- Koriste neprikladne verbalne forme izražavanja, daju prijedloge ili nude savjete koji su uvredljivi ili zlostavljajući;
- Ponašati se neprikladan ili seksualno provokativan način;
- Tražiti da dijete ili mlada osoba bez nadzora provede noć u njihovoj kući ili bez znanja i odobrenja roditelja, staratelja,

- Spavati u istom krevetu ili sobi sa djetetom sa kojim rade, izuzev u slučajevima koji su od najboljeg interesa za djete;
- Opraštati nezakonito, opasno ili nasilničko ponašanje djece ili učestvovati u njemu;
- Poniziti, omalovažiti ili degradirati djecu i mlade, ili primijeniti bilo koji oblik emocionalnog zlostavljanja;
- Diskriminirati, različito tretirati ili favorizovati određenu djecu, isključujući drugu.
- Nesavjesno pristupiti primjeni zakonskih propisa bez savjetovanja sa upravom TPO Fondacije o mogućim posljedicama takvog postupanja.

#### **4. Mjere zaštite**

Kako bi osigurali ispunjenje gore navedenih obaveza, poduzećemo da:

- Tim i saradnici će na vrijeme biti upoznati sa “Politikom zaštite djece i mladih”,
- Osoblje i saradnici će se potpisivanjem ugovora obavezati na poštovanje “Pravila ponašanja”, koja čine aneks ugovora o radu,
- Svi partneri će potpisivanjem ugovora o partnerstvu preuzeti i obavezu poštovanja “Pravila ponašanja”, koja čine aneks ugovora o saradnji,
- Procedura zapošljavanja uključuje provjeru prikladnosti za rad sa djecom i mladim ljudima,
- Na svakom radnom mjestu će biti izloženi podaci o kontakt osobi zaduženoj za prijavljivanje mogućeg zlostavljanja djeteta, a svaki član osoblja će imati kontakt detalje za prijavljivanje,
- Radit ćemo u partnerstvu sa roditeljima/starateljima i/ili drugim stručnjacima kako bi se osigurala zaštita djece.
- Upoznavati radnike, saradnike ali i djecu mlade sa međunarodnih i domaćim pravnim okvirom za zaštitu prava djece i mladih
- Poduzimati sve zakonske mjere prevencije i zaštite djece i mladih.
- Koristiti postojeće mehanizme (protokole i stručne službe) koji postoje u školama kao bi se na vrijeme prevenirale neželjene radnje i kako bi se sanirale eventualne posljedice.

Sarajevo, 01.10.2016.

**DIREKTORICA**  
**Zilka Spahic Siljak, PhD**